

ETULOPONHELE LOVADIAKONI



Ndele, osho, kutya tete etuloponhele lovadiakoni vamwe mongeleka. Ndele okangeleka ketu apa okananghenda. Kai na oukwaongalo ile sha i tume ovadiakoni vayo, ohai hoolola ovadiakoni vayo vene. Ohai hoolola omufitaongalo wayo, ohai hoolola ovadiinini voiniwe vayo, ohai hoolola kesheshimwe osho she uya mo nokudja mongeleka. Kape na ou ena mo sha, ashike ongeleka. Ndele ongeleka ovava have uya noku yambidida ongeleka noukalipo wavo, noitimulongo noiyaandjiwa yavo, ovo alushe ve na oveta yoku tya sha mokutulaponhele oku.

² Ndele onda hala oku pandula ewilikongudu lovadiakoni laxuuninwa, nohandi popile ko ongeleka aishe. Nge umwe womovamwatate ava omo e li omu, osho sha li Mumwatate Cox, Mumwatate Fleeman, naMumwatate Higginbotham, naMumwatate Deitzman, ove tu pa elongelokalunga liwa, va pa Omwene, metwaliongalo omu.

³ Naalushe lushe, pamhango yongeleka ya tulwa po, keshe omudo, ovadiakoni ile ovadiinini voiniwe ova wanifa lela efimbo lavo. Ndele nge ova hala oku aluka, eewa. Nge inava hala oku aluka, hano otava dulu oku tula umwe peenhele davo, osho elelo lashanga.

⁴ Ndele onguloshi imwe onda ifana ewilikongudu lovadiinini voiniwe, opo pe na ewilikongudu lipe lovadiinini voiniwe. Onda didilika Mumwatate Luther McDowell apa konguloshi, otwa hafa oku mu mona, oo a li nale mewilikongudu lovadiinini voiniwe. Onda ya ko oshivike eshi ndi mone noku tala efano lokopi ei ya ningwa, oyo tai yandjwa kongeleka, yo. Kutya ovadiinini vongeleka paife oMumwatate William Morgan, Mumwatate Mike Egan, naMumwatate Banks Wood, naMumwatate Roy Roberson. Ndele aveshe ovomoshilando eshi, kakele kuMumwatate Roberson oo e li pokati koilando ivali. Omwene okwa mona sha wana movalumenhu ava, nova kala ovalumenhu ovalineekelwa, ndele paife ova pewa oshilonga onga ovadiinini voiniwe yongeleka ei.

⁵ Ndele hano fimbo oshiongalele eshi tashi twikile, nokwa lombwelwa komukwafeli womufitaongalo opo fye, tu hoolole ewilikongudu lipe lovadiakoni, kutya ava ova yakula efimbo lavo no—noku dja mo, hano okuhoolola ovadiakoni vamwe vali. Paife, ongeleka. . . Omukalo sha ningwa, oo, ewilikongudu otali dulu oku ulika ovadiakoni, ovalumenhu ovo ve na ekwatafano noku mona ve li ovalineekelwa novayuki.

⁶ Ombelewa yovadiakoni oyo ombelewa inene, youlineekelwa munene kOmwene oku kala omudiakoni mongeleka. Nonghee, moshiongalele onguloshi imwe, omulumenhu wonhumba okwa

ifanenwa nge. Ndele eshi a shakena nomufitaongalo, ladja ko. . . Etitano ladja ko, ava va li va diminwa komulumenhu ou kutya ava ova li ovalineekelwa novayuki.

⁷ Omulumenhu omunyasha umwe oo va mona, ka li naana a wana (ha molwaashi kutya ka li omulumenhu woludi lomondjila), oumwe ou a tumbulwa ko omulineekelwa wewilikongudu letu lovadiinini voiniwe. Ashike eshi omufitaongalo naame twe uya pamwe, onda pula omido domulumenhu omunyasha, okwa li e li momilongombali daye dopetameko. Omulineekelwa, ashike, omulumenhu washili, ashike otwa mo na mo kutya okwa li omulumenhu ina hombola. Ombibeli otai pula omudiakoni a kale omulumenhu a hombola. Oku noku kala omulumenhu womwalikadi umwe.

⁸ Ndele hano omulumenhu mukwao ou e li omulumenhu omulineekelwa, a wana lela oshilonga ngeno omulumenhu omudiinini, eshi omumwatate e mu tumbula. Konima yoku konanakona oshinima, kutya omumwatate opo e uya mEitavelo eli, omwalikadi waye ina itavela muLo. Hano osho otashi kufifa mo omulumenhu mombelewa. Molwaashi oku noku kala e na eumbo laye alishe meduliko, ove noku kala yo mEitavelo, molwaashi otali kala omalipumo mumwe.

⁹ Ndele ohatu tungu paife, notwa hala oku tula ponhele ongeleka ei. Ndele onga omutaleli wopombada mongeleka, ondi na oku mona kutya osha diininwa, Pamushangwa, kesheshimwe shi li lela mOndjovo.

¹⁰ Nonghee hano, hano, osha monika sha wana kewilikongudu nomufitaongalo, nomutaleli, oku hoolola mongudu ei yovanhu apa ovalumenhu vonumba ava hatu diladila kutya ovalineekelwa novayuki. Ohatu dulu ashike oku va eta. Ndele osho, ngaho, ova ulikwa kongeleka, pahoololo lavo vene. Opo nee ovalumenhu ava tava yakula, nge ove udite kutya otava tumbula ko ombelewa ei. Hano otave uya mokafimbo kaxupi, va tale nge ove udite kutya pamwe Kalunga okwe va ifana. Ndele nge konima, nge ove udite kutya inava wana, hano, ove na oufemba moivike ishona ya shikula ko va dje mo mombelewa, kutya umwe elili ota dulu oku tulwa ponhele yavo.

¹¹ Nande ongaho, pehovelolepapuduko kutya (nge Kalunga e shi hala) onda hala oku diinina apa metwaliongalo omu diva nge nda mono efude po, hano ohandi—hano ohandi. . . ohatu nangeke ovadiakoni ava moku tenheka omake, ovadiakoni novatuvikili voiniwe mongeleka omu. Ndele nee tete ove noku kala va ulikwa no—nokumona nhumbi ve shi hole nonhumbi eongalo li shi hole. Hano nge oshi—hano nge oshi li nawa keembinga adishe, hano ohatu ningi ovalumenhu ava ovadiakoni va nangekwa, ongaashi ashike Ovadiinini va hoololwa omukalo welifa.

¹² Ouwanghenda nomhango yongeleka, mOndjovo yaKalunga. Onghee hano, osho, itava dulu okutya “Ohandi lipula

omulumenhu ou ota kala omulumenhu e li mondjila,” hasho ngaho, “Mumwatate Neville ota diladila omulumenhu ou ota kala omulumenhu e li mondjila,” ile “ewilikongudu lovadiinini voiniwe otali lipula omulumenhu ou ota kala omulumenhu e li mondjila.” Oshi na okudja kongeleka! Kape na ou ta ningi sha muyemwene apa. Ehoololo longeleka. Onghenda yongeleka.

¹³ Eshangelo letule po lomhango ola hanaunwa po mo1937 keyelu. Edi otwe di ninga eekopi, nohatu di leke kekuma apa diva, oinakuwanifwa yovadiinini voiniwe, ovadiakoni, ovatuvikili voiniwe, nosho tuu, omufitaongalo, ovayakuli, nosho tuu.

¹⁴ Kefilonghenda laKalunga, onde shi lombwelwa, ndele oitwa efele limwe oya hoolola mewilikongudu longeleka ei, kutya ova mona kutya Mumwatate Hollin Hickerson oku li omuyuki, omulineekelwa, ndele momulandu mondodo ei oku tambula e—efimaneko linene loku kala omudiakoni wetwaliongalo eli la tumbulwa nale.

¹⁵ Osho yo, otwa mona, nopahoololo lewilikongudu, kutya Mumwatate Collins okwa monika yo omulineekelwa nomuyuki. Mokukala omulongi, yemwene, onghee hano ohatu mu indile e uye a kale o—omudiakoni wongeleka; ndele kashi fi omudiakoni aeke, ashike omuyakuli kuMumwatate Neville, tashi dulika kongudu yofikola yOsoondaxa yo, ile okukufa onhele yaMumwatate Neville, ile keshe tuu eshi teshi ifanenwa a kale omuyakuli kuMumwatate Neville. Oo oMumwatate Collins.

¹⁶ Ndele, yo, ongeleka oya mona, ohokwe, kutya Mumwatate Tony Zabel, omudiinini nomuyuki, nokwa hokiwa komesho yewilikongudu loiniwe nolovafitaongalo, oku mu pula a pewe ombelewa yomudiakoni metwaliongalo eli la tumbulwa nale.

¹⁷ Ndele osha li yo sha pulwa, nokwa monika omudiinini mokati ketu . . . (Ha . . . ou ke fi ashike omudiinini, paife, ashike okwa hoololwa kewilikongudu.) Mumwatate Taylor a dja koHenryville, ile Memphis, ndi wete shi li, Memphis, Indiana. Okwa kala pamwe nafye efimbo lile, ta longo onga omuyakuli nakeshimwe shi li po. Ou ongeleka ya mona ohokwe muye, ile ewilikongudu novafitaongalo, kutya na tambule o—ombelewa inene onga omudiakoni wetwaliongalo eli la tumbulwa.

¹⁸ Ndele osha pulwa yo kutya oshitenya shaMumwatate Mike Egan, Mumwatate—Mumwatate Bob Harned, okwa hoololwa kewilikongudu novafitaongalo, a tambule ombelewa onga omutuvikili wemona letwaliongalo eli la tumbulwa nale, osho shi li oshilonga shoudiinini, notashi pula ouyuki nefimaneko.

¹⁹ Moku shi ninga, ohandi lipula, ovamwatate vange, tava tumbulwa apa, kutya otashi kala efimano linene kunye. Ndele hasho ashike osho, ashike oshimwe okuninga.

²⁰ Pefimbo apa ohandi kala ndi na Mumwatate Neville, omuyakuli wetu, a leshe oinakuwanifwa yomudiakoni.

Mumwatate Neville, nge owe shi lesa okudja mOndjovo yaKalunga. [Mumwatate Neville ta lesa Timoteus Wotete 3:8-13—Sd.]

[Osho yo ovayakuliongalo nava kale ve neenghedi da fimana, ve he neendaka mbali, havapika voikolifa, hava kongi veliko loulunde;]

[Ndele nee ovadiinini voshiholekwa sheitavelo meliudo la koshoka.]

[Ndele naava yo nava talwe tete; nongeenge va monika ve he noshiyo, opo nee tava shiiva okuyakula.]

[Osho yo ovakainhu vavo nava kale ve neenghedi da fimana, kave fi ovalundili, ndele nee ovalidiliki, novadiinini moanima aische.]

[Ovayakuliongalo ve nokukala ovalumenhu vomukainhu umwe auke, ve shii okutekula nawa ovana nomaumbo avo vene.]

[Osheshi ava tava yakula nawa ovo otave limonene oulineekelwa, nouladi uhapu meitavelo lomuKristus Jesus.]

²¹ Amen. Onda hala pefimbo apa ndi pule ovamwatate ava va ifanwa, nge tave uya ashike komesho oku okafimbo ashike. Ndele ngaashi hatu nyongamekeni omitwe detu okafimbo meilikanu, onda hala va... Ndele ongeleka oi shii kutya eshi oshike, kutya eshi ehoololo lewilikongudu lovadiakoni veni novatuvikili voiniwe veni.

²² Omwene Jesus, nefimaneko, okudiladila kwopaukalunga oko twe uya kwoOve paife. Otwe uya momafimaneko Ondjovo Iyapuki Yapuki Yoye, otwe uya twa itavela kutya “Ondjovo keshe yomunhu nai kale ya puka, ashike yaKalunga oyoshili.” Ndele otwe Ku pandula molwa Ongeleka ei Jesus a landa nOhonde Yaye Mwene i nondilo, nokwe tu pa etungilo eli tu linyongamene mo.

²³ Ndele onga omutaleli woshiunda eshi shinene, omo Omhepo Iyapuki ye tu nunina tu kale, ohatu kendabala paife oku yandja keongalo eli oudiinini, onduba yovayuki ovalumenhu ovo twa itavela vayadifwa Omhepo noku lilongekidila ombelewa. Ngaashi sha tongwa nale shi na sha newilikongudu lovadiakoni, “Indeni mu ke likongele mokati keni, ovalumenhu hava popilwa mouwa ve na Omhepo Iyapuki, opo va longele monghedi ei, okufila oshisho ovafiyekadi neefiye, oku topola oimaliwa, noku takamifa oulinawa wongeleka.” Konima momido, otwa lesa eshangelo laashi shinene, sha nwefwamo, Paulus omuyapuki, ou a tula po omalombwelo Opamushangwa oinakuwanifwa yeendodo.

²⁴ Kalunga, fimanekifa ovalumenhu ava. Ndele paife ehoololo, Omwene, onga ongeleka yonghenda, ngaashi olutu lOmwene Jesus, kutya ova ninga ehoololo. Ndele...[Okanhele kehe

na sha mokateipa—Sd.]...nohatu yandje oshitopolwa eshi shelongelokalunga momukalo welikalekelwa, momuyuki ou nEdina liyapuki laJesus.

²⁵ Paife nomitwe detu da nyongamekwa, ha omitwe ashike detu ashike nomitima detu, ndele onga oshilyo keshe shongeleka ei, osho hashi uya apa alushe noku li yambidida noitimulongo noiyaandjwa yasho, osho sha talika ko oshilyo shongeleka ei, fimbo omufitaongalo naame, atuke, hatu tale, omufitaongalo omuyakuli, Mumwatate Neville, ndele handi tale, ohandi indile nge ongeleka ei oya mona Mumwatate Taylor omuyuki nokwa wana, moku diladila kwoye kuwa, a kale omudiakoni mongudu ei yovanhu? Oto ulike shelifa moku yelufa eke loye. [Mumwatate Branham a mwena po—Sd.] Eewa. Paife nge ope na omunamhinge, yelufa eke loye. [Mumwatate Branham a mwena po.] Tangi.

²⁶ Ope na umwe womoilyo yongeleka ei apa a mona... naaveshe, omwa mona Mumwatate Hollin Hickerson omuyuki nomulineekelwa, nomulumenhu ou a monika momesho eni a wana oku ninga omudiakoni wongeleka ei ya tumbulwa nale? Iho shi ulike moku yelufa eke loye lokolulyo. [Mumwatate Branham amwena po—Sd.] Nge ope na omunamhinge, hano yelufa eke loye. [Mumwatate Branham a mwena po.]

²⁷ Eongalo eli ola mona Mumwatate Collins shelifa, omuyuki nomulineekelwa, noku wana oshilonga shoku kala omudiakoni wongeleka ei? Iho yelufa eke loye. [Mumwatate Branham a mwena po—Sd.] Eewa. Omunamhinge, iho yelufa eke loye. [Mumwatate Branham a mwena po.]

²⁸ Eongalo eli ola mona Mumwatate Tony Zabel omulineekelwa nokwa wana ombelewa ei, oku kala omudiakoni koshiunda eshi mongeleka ei ya tongwa nale? Iho yelufa eke loye lokolulyo. [Mumwatate Branham a mwena po—Sd.] Omunamhinge, iho yelufa eke loye. [Mumwatate Branham a mwena po.]

²⁹ Eongalo eli oli udite kutya Mumwatate Harned omulumenhu omuyuki, ou a kala pamwe nafye efimbo lile, a kale omutuvikili woiniwe, hamushanga wetuvikilo loinawe yongeleka ei, a pashukile oyuyemo noku futa oifuta ya yo? Nge osho, yelufa eke loye lokolulyo. [Mumwatate Branham a mwena po—Sd.] Ope na omunamhinge, yelufa eke loye lokolulyo. [Mumwatate Branham a mwena po.]

³⁰ Onda hala okutya ko—kovamwatate ava va fikama apa efimbo eli lopaife, pekota lomushiyakano ou, kutya ongeleka ei, noitwa efele limwe (kape na omunamhinge nandenande), ove mu mona mwa wana momesho aKalunga mombelewa ei Kalunga e mu ifanena.

³¹ Paife, ove, ngaashi nda ti, “Eshi tete nashi yelekwe, va tale nge ova hala ombelewa ei.” Moivike ishona, Kalunga nge e shi hala, ohandi shuna ndi tenheke omake kongudu

ei yovalumenhu, oku va ninga elineekelo lopambelewa-...ile ovadiakoni vongelesa ei, novavaluli voiniwe.

Natu nyongamekeni omitwe detu okafimbo:

³² Omwene, otwa hafa konguloshi kutya ope na omunhu natango e li kedu ta dulu okweenda netilokalunga moipafi younyuni; opo oukalunga metwaliongalo, neemhango dapamha ngaashi eli li na, tava hoolola ovalumenhu vatano mondodo ngaashi ovaleli vavo, pehe na umwe a hoolola ounamhinge. Otwe va hafela, notu udite kutya Owa li pamwe nafye moku ninga omatokolo aa, ewilikongudu novafitaongalo.

³³ Kalunga, yambeka ovalumenhu ava. Nava longe mombelewa omu nomitima davo adishe, ve shii kutya otashi ve limonene oulineekelwa mEulu. Fiku limwe eshi Omambo omEulu taa ka patwa, Embo lovanhu vokeulu nEmbo linene la pandjulwa, omadina avo naa kale oitwa efele limwe koshipala shaKalunga nOmuxupifi womatanga aeshe Omakwaulu, va kale velifa mOuhamba Waye. Va yambeka, Omwene, ndele nava longele ombelewa ei nawa. ME dina laJesus otwe Ku pandula molwavo. Amen.

³⁴ Onda hala oku minika omake oye, Mumwatate Harned, naMumwatate Zabel, naMumwatate Collins, Mumwatate Hickerson, naMumwatate Taylor. Ehafo unene oku shiiva kutya ohatu ongala efimbo alishe eli novalumenhu ovalineekelwa. Kalunga ne ku yambeke paife. Ndele ohatu mu mono diva, eshi nda fuda po kashona, oku aluka, oku tala nhumbi mu hole ombelewa yeni. Eewa, pahoololo lavo, ohandi lipula osha li oitwa efele limwe, pehe na omunamhinge nande nande.

³⁵ Akutu, inamu hafa eshi mwa kwatafana novanhu nena ava tava dulu oku kala koshipala shaKalunga, etilokalunga, noku kala moipafi younyuni ou wopaife monghalo oyo? Oshinima shiwa.

³⁶ Ndele onda hafa unene oku shiiva konguloshi kutya ondi na omhito yo—yoku kala ndi na omulumenhu ou nongelesa ei ve li ookaume kange. Onda hafa unene kutya Kalunga onda yakula Ongeleka Yaye mounyuni aushe. Akutu, ova dinwa nova anyiwa noku popiwa, ndele ngaashi nda tonga ongula ei metumwalaka lange, pamwe ovafeyauli vomunoko, omukalo ounyuni tau va tale, onga “onduba yovapwilili,” ashike Kalunga ote va tale onga ovana Vaye. Onde shi hafela unene. Otashi dulika itava dulu oku ku lombwela kutya eemaila ngapi okuya komwedi. Otava dulu oku kala itava dulu oku ku lombwela omukalo weminikilo letango nonhumbi tali longo. Ashike ope na oshinima shimwe ve shii, ove shii otundi va dalululwa. Onde va hafela unene.

³⁷ Ndele ngaashi eyele olo nde lilonga, nohandi ke ka yakula konguloshi noukadona vange vavali ka ninge ketu ete keumbo, oku li ninga lashili, opo u ude ko elityo lalo. Ongula imwe, nda penduka mombete. . . Onda na oukadona vavali. Umwe womuvo

oRebeka, ndele umwe womuvo oSarah, ndele vo oukadona vatate.

³⁸ Ndele ondi na okamatyona, Joseph. Okwa li handi di koChattanooga, koshiongalele onguloshi imwe, fimbo nda li moshikonga eshi shaxuuninwa. Ndele onda li mo—motuwa, handi i nomonomati wange a kula, Billy. Omwalikadi waye naMeda ova li motuwa, novakadona. Ndele ngaashi twa li hatu ngongola, kape na umwe a tonga sha oule womakuma oshilando. Ndele onda tetaula unene ovanhu oufiku oo kombinga yomukalo kwa li tava ningi. Ndele kape na umwe a tonga sha. Ndele Joseph munini okwe uya noku dama nge kepepe, okwa ti, “Tate, oshili owa udifa konguloshi!”

³⁹ Ndele ongula ei, ngaashi kwa li handi i kEtihetatu nokEpandavanda Etimulongo, o...ile Penn naEtimulongo, shapo, kape na umwe a tonga sha, omwalikadi novakadona vavali. Ndele Joseph munini okwa kwata nge kepepe natango, okwa ti, “Tate, osho, ondi hole shili okuudifa kwongula ei,” okwa ti.


Onda ti, “Iya, ondi na omuyambididi umwe, omonamati wange.”

⁴⁰ Ndele kepopyo letu linini. Okupenduka ongula imwe, omutumba monduda, Becky munini okwe uya ta lotoka ndele, ta ti, okwa lyata okuulu kwange noku tula omaoko aye kwaame, ndele ye okakadona katate. Nokwa li ta papatele nge. Ndele Sarah munini okwa nuka mo mombete nokamudjalo kaye kokunangalifa, ta ti, a shikula ko ta lotoka. Oku na omesho mandjibi.

⁴¹ Becky munini ta ti, “Akutu, Sara, ino pumbwa vali wu uye, molwaashi ondi na Tate aushe amemwene. Tate aushe owange!” Ndele Sarah munini, omilungu daye da endjelela, oumesho vaye vandjibi va patwa. Ngaashi handi tongo *ngaha* okwa ponhoka ongolo ikwao, e uya noku lya.

⁴² Becky oku nomaulu male, opo va mone olukolongo. Sarah munini okwa li ta mbadanga, onghee onda tula omaoko aeshe kuSara. Sarah munini okwa tala kuBecky ndele ta ti, “Becky, oto dulu u kale u na Tate aushe, ashike Tate aushe oku na nge!”

⁴³ Nohandi lipula osho shi li apa. Ohatu dulu oku ha shiiva outeolohi aushe noitya aishe inene yOshigreka, ongudu ei yovanhu pamwe katu shi shii. Ashike ope noshinima shimwe shoshili, onda itavela Jesus oku tu na *atushe*. Amen.

Eewa, Mumwatate Neville. 

58-0720E Etuloponhele IOvadiakoni
Etwaliongalo Branham
Jeffersonville, Indiana U.S.A.

OSHIKWANYAMA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Oufemba didiliko

Eemhito adishe oda kalekwa. Embo eli otali dulu okunyanyangidwa koprinta meumbo molwa elongifo lopumwene ile okuyandjwa po, oshali yovene, onga oshilongifo okuandjakaneka Evaengeli laJesus Kristus. Embo eli itali dulu ku landifwa, okwiindjipalekwa mondwanga, okutulwa kowebite, okutuvikilwa momukalo wonumba, okufatululilwa momalaka akwao, ile okulongifwa molwa eyambidido lopashimaliwa pehe na epitikilo laVoice Of God Recordings®.

Molwa ouyelele uhapu ile molwa oolongifo ikwao ili po, alikana kwatafana:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org